

24 MAR 2001

DR MAHATHIR DI SABAH UNTUK LAWATAN DUA HARI

KOTA KINABALU, 24 Mac (Bernama) -- Datuk Seri Dr Mahathir Mohamad tiba hari ini untuk lawatan kerja dua hari ke Sabah.

Ketibaan Perdana Menteri dan isterinya Datin Seri Dr Siti Hasmah Mohamad Ali di Lapangan Terbang Antarabangsa Kota Kinabalu disambut oleh Ketua Menteri Datuk Osu Sukam, bakal Ketua Menteri Datuk Chong Kat Kiat dan menteri-menteri kabinet negeri.

Pagi ini, Dr Mahathir dijadual merasmikan Kongres Ekonomi Bumiputera Sabah di sini sebelum ke Tenom untuk melancarkan upacara pecah tanah jalan raya Tenom-Beaufort. Beliau juga akan mengadakan perjumpaan dengan anggota Umno Keningau dan Tenom pada sebelah malam.

Esok, perdana menteri dijadual merasmikan Kompleks Persekutuan di Teluk Likas.

-- BERNAMA

NT AZZ MAI